

SAMÞYKKT

um kattahald og gæludýrahald annað en hundahald í Stykkishólmsbæ.

I. KAFLI

Almennt.

1. gr.

Gildissvið.

Samþykkt þessi gildir um kattahald og gæludýrahald, annað en hundahald, í Stykkishólmsbæ sem er á starfssvæði heilbrigðisnefndar Vesturlands og sætir þeim takmörkunum sem fram koma í samþykkt þessari.

2. gr.

Stjórnsýsla.

Heilbrigðisnefnd Vesturlands fer með málefni gæludýrahalds samkvæmt lögum nr. 7/1998, um hollustuhætti og mengunarvarnir, og hefur eftirlit með framkvæmd samþykktar þessarar. Stykkishólmsbær fer með framkvæmd samþykktarinnar í umboði heilbrigðisnefndar eins og nánar greinir í samþykkt þessari.

Stykkishólmsbær skal fela einstökum starfsmönnum sveitarfélagsins hlutverk dýraeftirlitsmanns eða ráða sérstaklega dýraeftirlitsmann. Dýraeftirlitsmaður starfar undir eftirliti og á ábyrgð heilbrigðisnefndar.

Dýraeftirlitsmenn geta leitað aðstoðar heilbrigðisnefndar, Matvælastofnunar og lögreglu-yfirvalda, ef og þegar þörf krefur, t.d. ef köttur eða annað gæludýr er að mati eftirlitsmanns hættulegt umhverfi sínu, vörsluaðili dýrsins tálmar starfi eftirlitsmanns samkvæmt samþykkt þessari eða þegar nauðsynlegt er vegna almannahagsmuna, dýravelferðar eða heilbrigðis- og öryggissjónarmiða að leita atbeina lögreglu við að fjarlægja dýr.

3. gr.

Dýravelferð og dýravernd.

Um almennan aðbúnað og velferð gæludýra sem og um ræktun, verslun, geymslu og leigu katta eða annarra gæludýra í atvinnuskyni gilda ákvæði reglugerðar nr. 80/2016, um velferð gæludýra.

Samkvæmt lögum nr. 55/2013, um velferð dýra, fer Matvælastofnun með eftirlit og framkvæmd þeirra laga.

II. KAFLI

Kattahald.

4. gr.

Skráningarskylda.

Allir kettir í þéttbýli eru skráningarskyldir.

Kattahald í dreifbýli sætir að öllu jöfnu ekki takmörkunum.

Skylt er að sækja um skráningu kattar í þéttbýli hjá sveitarfélagini þar sem eigandi hans hefur lögheimili, innan tveggja vikna frá því að köttur er tekinn inn á heimili. Kettlinga skal skrá eigi síðar en þegar þeir ná þriggja mánaða aldri.

Kettir sem sótt er um skráningu fyrir skulu örmerktir af dýralækni samkvæmt reglugerð nr. 80/2016, um velferð gæludýra, og skal númer merkis skráð við skráningu kattar.

Ketti skal skrá á nafn og heimili lögráða einstaklings sem hefur lögheimili í sveitarfélagini og skal kötturinn haldinn á heimili eigandans. Útgefið leyfi er óframseljanlegt. Óheimilt er að skrá fleiri en two ketti á hvert heimili.

Við skráningu kattar getur sveitarfélagið leitað umsagnar lögreglu og annarra heilbrigðis-eftirlitssvæða telji það ástæðu til.

5. gr.

Gögn sem þarf að framvísa við skráningu.

Eftirfarandi gögn skulu lögð fram við skráningu kattar:

1. Undirritaða umsókn um leyfi til kattahalds á umsóknareyðublaði sem má nálgast á skrifstofu sveitarfélagsins.
2. Upplýsingar um heiti, fæðingardag, kyn, tegund og önnur einkenni kattar.
3. Mynd af kettinum.
4. Vottorð frá dýralækni um einstaklingsmerkingu kattar, sbr. 1. mgr. 22. gr. laga nr. 55/2013, um velferð dýra og 11. gr. reglugerðar nr. 80/2016 um velferð gæludýra.
5. Staðfestingu frá viðurkenndu tryggingafyrirtæki um að umsækjandi hafi gilda ábyrgðartryggingu sem nær til alls þess tjóns sem kötturinn kann að valda mönnum, dýrum, gróðri og munum sé sveitarfélagið ekki með hóþryggingu innifalda í skráningargjaldi.
6. Samþykki tilskilins hluta íbúðareigenda í fjóleignarhúsi sem veitt er ádur en kötturinn er tekinn inn á heimili í fjóleignarhúsi, sbr. ákvaði laga nr. 26/1994, um fjóleignarhús.

Skilyrði fyrir skráningu kattar er að gögn skv. 1. mgr. hafi verið lögð fram af hálfu umsækjanda og skráningargjald greitt samkvæmt gjaldskrá sem sveitarfélagið hefur sett.

Skráðum eiganda kattar ber að tilkynna sveitarfélagini skriflega innan mánaðar um aðseturskipti eða dauða kattar.

Sveitarstjórn getur ákveðið að í húsnæði í eigu sveitarfélagsins sé ekki heimilt að halda ketti.

Sveitarstjórn er heimilt að hafna beiðni um skráningu kattar ef umsækjandi hefur ádur eða ítrekað gerst brotlegur við samþykkt um kattahald í sveitarfélagini eða annars staðar eða lög um dýravelferð.

6. gr.

Skyldur sveitarfélagsins.

Í kjölfar skráningar ber sveitarfélagini að afhenda forráðamanni kattar leyfisskírteini sem staðfestingu á að köttur hans hafi verið skráður til heimilis í sveitarfélagini.

Sveitarfélagið skal tryggja að til staðar sé dýrageymsla sem hefur tilskilin leyfi skv. 24. gr. laga nr. 55/2013, um velferð dýra og reglugerð nr. 80/2016, um velferð gæludýra, til vörlu katta sem þarf að fanga vegna brota á samþykkt þessari.

7. gr.

Skyldur eftirlitsaðila.

Dýraeftirlitsmaður sveitarfélagsins skal halda og uppfæra skrá yfir ketti í sveitarfélagini. Í skránni skulu koma fram allar upplýsingar er varða skráða ketti og sem dýraeftirlitsmaður telur skipta máli, þ.m.t. öll afskipti sem eftirlitsaðilar hafa haft af köttunum og eigendum þeirra.

Heilbrigðisnefnd Vesturlands, löggregla og eftir atvikum starfsmenn sveitarfélagsins skulu tilkynna dýraeftirlitsmanni um kvartanir eða afskipti þeirra af köttum í sveitarfélagini.

Dýraeftirlitsmaður leggur til við heilbrigðisnefnd að kattaeigendur séu áminntir vegna brota á samþykktinni og heldur skrá um það.

Dýraeftirlitsmaður skal starfa samkvæmt verklagsreglum heilbrigðisnefndar Vesturlands.

8. gr.

Skyldur eigenda og umráðamanna katta.

Skráðum eiganda kattar ber að sjá til þess að umhirða kattarins sé í samræmi við ákvaði laga nr. 55/2013, um velferð dýra.

Kattaeigendum er skylt að ábyrgðartryggja sig gegn tjóni sem kettir þeirra kunna að valda mönnum, dýrum, gróðri og munum og skulu þeir árlega framvísa til sveitarfélagsins staðfestingu frá viðurkenndu tryggingafélagi þar um, sé sveitarfélagið ekki með hóþryggingu innifalda í skráningargjaldi.

Eigendur katta skulu árlega greiða skráningargjald fyrir ketti sína samkvæmt gjaldskrá sem sveitarfélagið setur í samræmi við ákvaði 59. gr. laga nr. 7/1998, um hollustuhætti og mengunarvarnir.

Auk einstaklingsmerkingar skulu kettir bera hálsól með upplýsingum um heimilisfang eiganda og símanúmer.

Kattaeigendum ber að sjá til þess að högnar séu geltir og að læður séu gerðar ófrjóar eða hafðar á getnaðarvarnapi.

Eigendum og umráðamönnum katta ber, eftir því sem framast er unnt, að sjá svo um að kettir þeirra valdi ekki hávaða, ónæði, óþrifnaði eða óhollustu.

Ef köttur veldur nágrönnum eða öðrum ítrekuðu ónæði, óþrifum eða tjóni, þá ber eiganda eða umráðamanni að leita leiða til að koma í veg fyrir slíkt.

Eigendum og umráðamönnum katta ber að taka tillit til fuglalífs á varptíma, eftir því sem tök eru á, m.a. með því að hengja bjöllur á hálsólar katta og halda þeim innandyra á nóttunni.

Óheimilt er að hafa ketti í opinberum stofnunum, skólahúsum, matvöruverslunum, við vatnsveitur, vatnsból og verndarsvæði þeirra, brunna og sjóveitur eða á öðrum þeim stöðum sem tilgreindir eru í fylgiskjali 3 með reglugerð nr. 941/2002, um hollustuhætti, nema að fengnu tíma-bundnu leyfi heilbrigðisnefnar, sbr. 19. gr. reglugerðarinnar. Einnig er óheimilt að hleypa köttum inn í húsnaði matvælafyrirtækja, sbr. reglugerð nr. 103/2010 um gildistöku reglugerðar Evrópuþingsins og ráðsins (EB) nr. 852/2004 um hollustuhætti sem varða matvæli, og inn í húsnaði vatnsveitna, sbr. reglugerð nr. 536/2001 um neysluvatn.

9. gr.

Föngun katta.

Sveitarstjórn er heimilt að láta fanga ketti í búr í eftirfarandi tilfellum:

1. ef köttur er ómerktur, hvort sem er án hálsólar og/eða örmerkis,
2. ef ítrekað er kvartað undan ágangi katta á tilteknu svæði eða
3. ef köttur finnst innandyra hjá nágranna í leyfisleysi, á öðrum óheimilum stað eða í fjöleignarhúsi þar sem á skortir tilskilið samþykki annarra íbúðareigenda, sbr. 5. gr.

Kettir sem fangaðir eru skulu færðir í dýrageymslu skv. 2. mgr. 6. gr. Merktum köttum sem ekki er kvartað yfir en lenda í búrum skal þó sleppa lausum og skráðum eigendum tilkynnt um handsömunina og ástæður hennar.

Ef merktir kettir eru teknir úr umferð skv. 2. og 3. tölul. 1. mgr. skal það tilkynnt skráðum eigendum. Komi ítrekað til handsömunar á merktum ketti vegna ónæðis telst það vera brot á samþykkt þessari. Ef umráðamaður vitjar ekki dýrsins innan viku frá því að honum var tilkynnt um handsömun þess eða ef umráðamaður finnst ekki innan tveggja vikna er sveitarfélaginu heimilt að ráðstafa dýrinu eins og um hálfvillt dýr sé að ræða, sbr. ákvæði 24. gr. laga nr. 55/2013, um velferð dýra. Köttur, sem hefur verið handsamaður ítrekað, skal færður í dýrageymslu og því aðeins afhentur eiganda að öll skilyrði fyrir kattahaldi skv. 5. gr. séu uppfyllt. Kattareigandi ber allan kostnað af handsömun, vörlu og föðrun kattarins, sem og aflifun hans ef til hennar kemur samkvæmt gjaldskrá sveitarfélagsins.

Köttur sem ekki er einstaklingsmerktur í samræmi við 22. gr. laga nr. 55/2013, um velferð dýra, telst vera hálfvillt dýr. Í þeim tilvikum sem hálfvilltir kettir eru handsamaðir er sveitarfélaginu heimilt að ráðstafa kettinum til nýs eiganda, selja hann gegn áföllnum kostnaði eða aflífa án bóta eftir two sólarhringa frá handsömun.

Eigandi ómerkts kattar sem gefur sig fram skal því aðeins fá köttinn afhentan að hann hafi látið skrá köttinn, greitt skráningargjald vegna hans og uppfyllt öll skilyrði samþykktar þessarar fyrir leyfi til kattahalds. Skal eigandanum við greiðslu skráningargjalds afhent beiðni sem nýta má hjá dýralækni til greiðslu fyrir örmerkingu og hreinsun kattarins.

10. gr.

Aðgerðir gegn hálfvilltum köttum.

Meiriháttar föngun hálfvilltra katta í péttbýliskjörnum skal auglýsa með a.m.k. viku fyrirvara og með tilmælum um að skráðum köttum sé haldið innandyra.

Eftir two sólarhringa frá handsömun er sveitarfélaginu heimilt að ráðstafa hálfvilltum ketti til nýs eiganda, selja hann gegn áföllnum kostnaði eða aflífa án bóta.

**III. KAFLI
Önnur gæludýr.**

11. gr.

Gæludýr önnur en kettir og hundar.

Eigendum og umráðamönnum gæludýra annarra en hunda og katta er skylt að koma í veg fyrir að dýr þeirra sleppi úr haldi. Gerist það skal þegar gera ráðstafanir til að handsama dýrið.

Eigendur og umráðamenn gæludýra sem haldin eru utandyra, t.d. kanína eða annarra nagdýra, skulu sjá til þess að dýrin valdi ekki nágörnum ama svo sem með hávaða eða óhreinindum. Skulu þeir tryggja að dýrin geti ekki nagað sig út úr búri eða aðhaldi.

Kanínur skulu einstaklingsmerktar skv. 1. mgr. 22. gr. laga nr. 55/2013, um velferð dýra.

**IV. KAFLI
Ýmis ákvæði.**

12. gr.

Gjaldtaka.

Sveitarstjórn er heimilt að innheimta skráningar- og eftirlitsgjöld í samræmi við gjaldskrá sem sveitarfélagið setur skv. 5. mgr. 59. gr. laga nr. 7/1998, um hollustuhætti og mengunarvarnir. Sveitarstjórn skal láta birta gjaldskrána í B-deild Stjórnartíðinda.

Skráningargjald skal í fyrsta sinn greitt við skráningu katta og síðan árlega fyrirfram. Skráningargjaldi er ætlað að standa undir kostnaði sveitarfélagsins við kattahald og framkvæmd samþykktar þessarar. Í gjaldskránni skal koma fram hvað er innifalið í skráningargjaldi vegna kattahalds.

Í gjaldskrá skal kveðið á um handsömunar- og vörlugjald vegna handsömunar katta sem teknir eru í vörslu á vegum sveitarfélagsins vegna brota á samþykkt þessari.

Við ákvörðun gjalda skal tekið mið af þeim kostnaði sem leiðir af framkvæmd þessarar samþykktar. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlits með einstökum þáttum.

13. gr.

Pvingunarúrræði og afturköllun leyfa.

Um valdsvið og þvingunarúrræði fer samkvæmt ákvæðum laga nr. 7/1998, um hollustuhætti og mengunarvarnir.

Sveitarfélaginu er heimilt að afturkalla skráningu katta ef vanhöld verða á tryggingum, greiðslu skráningargjalds sem og ef skráður eigandi hefur brotið gegn samþykkt þessari. Einnig er heimilt að afturkalla allar skráningar telji sveitarfélagið það nauðsynlegt í þágu hollustuháttu og öryggis. Jafnframt getur sveitarfélagið, telji það og héraðsýralæknir brýna þörf á, af sömu ástæðu bannað eða takmarkað gæludýrahald í dreifbýli.

Skráðir eigendur eða umráðamenn katta og annarra gæludýra sem brjóta gegn ákvæðum samþykktar þessarar skulu jafnan sæta skriflegri áminningu af hálfu heilbrigðisnefndar og gefinn hæfilegur frestur til úrbóta.

Ef skráður eigandi eða umráðamaður kattar vanrækir skyldur sínar eða brýtur ítrekað eða alvarlega gegn ákvæðum samþykktar þessarar eða öðrum reglum sem gilda um kattahald getur heilbrigðisnefnd bannað viðkomandi að halda kött og látið fjarlægja dýrið. Sama gildir um eiganda eða umráðamann annarra gæludýra sem samþykktin gildir um.

Skráðum eiganda dýrs er skylt að greiða kostnað sem leiðir af brotum á samþykkt þessari.

14. gr.

Viðurlög og kæruheimild.

Um viðurlög vegna brota á samþykkt þessari fer samkvæmt ákvæðum laga nr. 7/1998, um hollustuhætti og mengunarvarnir. Brot gegn samþykkt þessari varða sektum rúmist þau jafnframt innan refsiákvæða hlutaðeigandi laga, nema þyngri refsing liggi við samkvæmt öðrum lögum. Skulu þau brot sæta þeirri málsmæðferð sem boðin er í lögum nr. 88/2008, um meðferð sakamála.

Um kæruheimildir fer samkvæmt lögum nr. 7/1998, um hollustuhætti og mengunarvarnir.

Nr. 390

8. apríl 2020

15. gr.
Gildistaka.

Samþykkt þessi staðfestist hér með skv. 59. gr. laga nr. 7/1998, um hollustuhætti og mengunarvarnir, til þess að öðlast gildi við birtingu. Frá sama tíma fellur úr gildi samþykkt nr. 1063/2004 um kattahald í Stykkishólmi.

Ákvæði til bráðabirgða.

Eigendur sem halda ketti við gildistöku samþykktarinnar skulu skrá þá innan sex mánaða frá gildistöku. Sú skráning er gjaldfrjáls í sex mánuði frá gildistöku samþykktarinnar fyrir þá sem eiga ketti þegar samþykktin tekur gildi.

Þeir sem halda fleiri ketti en two hafa leyfi til að halda þá á heimili sínu á meðan kettirnir lifa, enda hafa þeir skráð kettina í samræmi við 1. mgr. og þeir voru á heimilinu þegar samþykkt nr. 1063/2004 tók gildi.

Umhverfis- og auðlindaráðuneytinu, 8. apríl 2020.

F. h. r.
Sigurbjörg Sæmundsdóttir.

Steinunn Elna Eyjólfssdóttir.

B-deild – Útgáfud.: 28. apríl 2020